

# आंखौ सोर बासायबावनो ?

लेस'थ' होननाय जायगानि सासे गोरा गाहायनि गामियाव सानसेखालि आं देउबाराव यीशु ख्रीष्टनि गोमोथाव बाश्चाफोरखौ फोसावदोमोन। गोरा गाहाय आरो बिनि हिन्जावजौ लोगोसे गोबां मानसिफ्रा ईशोरनि रावखौ खोनासंनो ज' जादोमोन। ईशोरनि बे गोखौं आरो ज़ो ज़ो थुंग्रिनिरखुइबो गोबौसिन रावफ्रा मानषिफोरनि गोबौखौ सोरखिनानै नाहैदोमोन।

आं ईशोरनि खौरांखौ खिन्थाबाय थानाय समाव बे गोरा गाहायनि बिसि राणीया गोबारै गाबनो हमो। खावलाय सिम्लाबलायनाय मोदैरथ' रथ' महैर बियो गसंनानै गोबारै बुडो, 'आंखौ सोर बासायबावनो ? आंखौ अननानै हेफाजाब खालामदो, आंनि गोबौखौ आं बाइग्लिनाय मोनबाय। आं सासे अशान्ति आरो हथ'सिरा मानसि। आंखौ सोर हेफाजाब होनो हाबावनो ? आंखौ पापनि गिलिंर जिनजिनिक्राय सोर उदां खालामनो ? आं मा खालामब्ला बेनिक्राय ग'गोन ? नोंसोर बयबो आंखौ मोनथिगौ आं गोरा गाहायनि हिन्जाव (राणी) आरो आं महिलाफोरनि आर'ज खालामग्रा हान्जाजौबो दफायो।

थानाय नैजि बोसोराव आं गिर्जायाव हाब्बोगासिनो दड, नाथाय गिर्जा हाबनाया आंखौ जेबो



हेफाजाब होबोआखै; बेयो आंखौ उदां खालामनो हायाखै। पापआ आंखौ खाख्र'बनाने दोनबाय। आं जौफाग्लि आरो मानसि बुथारग्रा। आंनि आखाइया सुवा जाबाय; आंनि आखाइफ्रा जोबोद गाज्जि, मानोना बे आखाइफ्रानो बे शुनि गोनां जौ संनायाव बाहायजायो ! पापआ आंनि आखाइ आरो आर्थिखौ खाख्र'ब्बाय, आं नोरोकफुरिनि जोबथेसालिनि मानसि जाखाबाय !'

बियो आरोबाव बिखा बोप्ले बोप्ले गाब्बावयो आरो ज'नाने गोबारै बुडो : 'आंखौ रैखा खालाम ! आंखौ रैखा खालाम ! आंखौ सोर बासायबावनो ? बे पापनि जिनज्जिनिफ्राय आंखौ सोर रैखा खालामबावनो ? आं ईशोरखौ मोजां मोनो, नाथाय पापआ आंखौ शासन खालामो, पापआ आंखौ नोरोकफुरीयाव बुद्रुलांगासिनो दड। आंनि गिबि हौवासा गथ'खौ आं सिथारनानै लादों, बिखौ बानानै लानाय समाव आं जौ फेदोंमोन। दोलो दोलो जौ फेनाय अबस्थायाव आं ह्यायाव गोप्लैनानै आंनि स'ना फिसा हौवानि खर'खौ गेरेबहोदोंमोन। बेबादिनो बियो थैदोंमोन। अननानै आंखौ रैखा खालामदो, बे थैनायनिफ्राय आंखौ बासायदो ! आंनि जनजाति नियमफ्रा आंखौ हेफाजाब होआखै। धोरोमा आंखौ रैखा खालामनो हायाखै। आंखौ सोर रैखा खालामनो हानो ? आंखौ सोर उदां खालामबावनो ?'

आं फिननानै बुंदोंमोन : 'गिनो नाडा। गोसो बाइनो नाडा। नॉनि जेंनाया बयनिबो जेंना। नॉनि गोबॉनि गाबखानायखौ बाइबेलंआ फिन होयो। बेयो बुडो पापआ जॉनि जीउफोरखौ शासन खालामो नाथाय जॉखौ सख'नो हाग्रा सासे दड।'

'आं मोत्रथिगौ आंनि बे पापजों बुंफबनाय आखुआव जेबो मोजां होननाय गैलिया। आं मोजां मावनो गोसो जायो; नाथाय आं बेखौ मावफुंनो हाया। मोजां मावनो सानब्लाबो आं गाज्जिखौसो मावनो। गाज्जिखौ आं मावनो लुबैया नाथाय अब्लाबो आं बेखौनो मावबाय थायो.....। एरैबादि नेमआ आंनि जीउआव जागासिनो दं : जेब्ला आं मोजांखौ मावनो सानो गाज्जियासो आंजों लोगो जायो। आंनि गोसो सिडव आं ईशोरनि हुखुमखौ मोजां मोनो, नाथाय आंनि देहानि बाहागोआव आं गुबुन मोनसे गोहोखौ हाबा मावनाय नुनो मोनो, बेयो आंनि गोसोनि आइननि हेंथायै दावहा नाडो आरो आंनि देहानि बाहागोफ्राव पापनि आइनफ्रा हाबा मावनायाव आं पापनि जोबथेसालियाव थानाडो' (रमीउ 7:15:25)। दा नडाब्लाबो उनाव बे गाबखानाया बयनिबो गोसोआव फैगोन—'आं माबादि हथ'सिरा मानसि ! आंखौ सोर बासायबावनो ?'

## फिननाय


“फिसा हौवाया नॉसोरखौ उदां खालामोब्ला नॉसोरो गमामायैनो उदां जागोन”, जहन 8:36.

जॉनि गासिबो सॉनायनि फिननाया जादों यीशु : बिनो नॉनि सॉनायनि फिननाय। यीशुनि मुंनि अनगायै गुबुन रावनिबो मुडव बासायजानाय गैया (थोनहरजानाय 4:12)। यीशुआल' जॉखौ पापनिफ्राय बासायनो हायो। बनि क्लसआव बोहैहोजानाय थैयाल' जॉखौ गासिबो पापनिफ्राय सुस्रानो हायो। रावबो डाक्तरआ, जेबो मुलिया, रावबो अजाया, रावबो मानसिया, रावबो धोरोम फोसावग्राया, रावबो जाजकआ, गंसेबो गिर्जाया नॉखौ पापनिफ्राय बासायनो हानाय नडा। मुलुगनि पापखौ बोखारग्रा, ईशोरनि बोरोमा मेन्दा यीशुआल' गावनि थैजों आरो बनि जीउनि गोहोजों नॉखौ बासायनो हायो।

ईशोरनि फिसा हौवा यीशुआ “खानाफोरनि मेगनखौ बेखेवनो, जोबथेसालियाव

जोबजानायफोरखौ उदां खालामनो आरो फाथालफुरीनि खोमसि ख'थायाव जिरायनानै थानायफोरखौ हगारना होनो थाखाय" बे मुलुगाव फैदोमोन (जेसाया 42:7)। यीशुआ बुंदोमोन, "पाप मावग्रा साफ्रोमबो मानसिया पापनि बान्दा.... नाथाय ईशोरनि फिसाया नोंसोरखौ उदां खालामोब्ला नोंसोरो गमामायै उदां जागोन" (जहन 8:34-36)। सैथोनि मुं यीशुआ नोंखौ उदां खालामगोन।

ईशोरनि फिसा यीशुआ जॉनि गसिबो पापखौ गावनि मोदोमाव लानानै कूसआव "थारै बियो जॉनि लोमजानायखौ (infirmities) लादोमोन आरो जॉनि दुखु-दाहाखौ बाननानै लादोमोन..... नाथाय बियो जॉनि आइन बारसिनायनि थाखाय जंजो सुजादोमोन, जॉनि इनय मावनायनि थाखाय बुखुबजादोमोन : जॉनो गोजोननाय लाबोहोग्रा बे साजाया बिनि सायाव गोम्लैदोमोन, आरो बिनि दुखु मोननायजॉनो जो सोखाजाबाय" (जेसाया 53:3-7)।



*फिसा हौवाया (यीशुआ) नोंसोरखौ उदां खालामोब्ला नोंसोरो गमामायैनो उदां जागोन (जहन 8:36)।*

पापी आरो मानसि बुथारग्रा बाराबासआ थैनायनि साजा होजादोमोन। बियो कूसआव दोगथाबजानो गोनांमोन, नाथाय बिनि जायगाखौ यीशुआ लादोमोन आरो बाराबासखौ दोग्थाबनो गोनां कूसखौ बियो बाननानै लादोमोन। ईशोरनि फिसा यीशुआ बाराबासनि जायगायाव कूसआव दोग्थाबजादोमोन, बेबादिनो नोंनि जायगायावबो आरो आंनि जायगायावबो। मानसि बुथारग्राखौ उदां खालामनाय जादोमोन, मानोना बिनि थैनांगौखौ गुबुन सासेया बाननानै थैदोमोन। नों आरो आडानो बै बाराबास।

पापनि मजुरीया थैनाय, नाथाय यीशु ख्रीष्टनि गेजेरजों ईशोरनि अननायनि होनाया जादों जोबन्नो गैयै गोथां जीउ। फोथायनायजों नोडो ख्रीष्टनि कूसखौ नाइयोब्ला नोडो गाबखौ मोनथिनो हागोन आरो नोंनि पापआ कूसआव आलाइजागोन। जाहाथे नोडो अरायनि थाखाय थानानै थायो बेनि थाखाय यीशुआ कूसआव नोंनि जायगाखौ लाबाय। नोंनि पापआ निमाहा होजानायनि थाखाय बियो गावनि थैखौ गसरहोबाय। ईशोरआ नोंखौ ऐबादि अनबाय बियो गावनि सासेल' फिसाखौनो हरबाय जाहाथे नोडो थैनायनि सोलाय

जोबनो गैयै गोथां जीउ मोनो ।

बै बाश्नाफोरखौ खोनाखानानै गोरा-गाहायनि बिसिया यीशुखौ फोथायो आरो गावनि गोबोखौ बिनो होयो । बियो गावनि पापजों बुंफबनाय गोबोखौ ईशोरनो गथायो, आरो ईशोरआ बिनो गोथार जीउजों बुंफबनाय गोदान गोबो होयो । ईशोरआ बिनि पापखौल' निमाहा होआखै, नाथाय बिखौ पापनि गोहोनिफ्राय सख'नानै होदोंमोन । बै समनिफ्रायनो बियो गोबां बोसोरसिम समाइना, देरहासार जीउ खांबोगासिनो दड । बियो जेखि जाया रोखोमनि जौखौ लोलिया, थांखु जानाय आरो सोबनायखौ गारबाय, सिखोन-साखोन जीउ खांबाय आरो सैथो बाश्नानि साखि होग्रा जाबाय, “सोरबा ख्रीष्टनियाव थायोब्ला बियो सासे गोदान मानसि; गोजामआ जानगार जानानै गोदानआ फैबाय” (2 करिन्थिउ 5:17) ।

अनजाथाव फरायगिरि, यीशुनियाव फोथायनायनि गेजेरजों नोंबो उदां जानो हागोन । यीशुआ बुंदोंमोन, “मेंरू आरो गिलिर मोननाय नोंसोर बयबो आंनियाव फै, आं नोंसोरनो जिरायनाय होगोन ।” नोडो जेरैबादियै दं आरो जेरावखि थाया मानो बेबादियैनो यीशुनियाव फै । नॉनि गासिबो पापफोरखौ आरो सैनांनायफोरखौ बिनो खिन्था । नोडो गुरै आरो फोथायनाय गोसोजों फैयोब्ला बियो नोंखौ नेवसिनाय नडा । नोडो सासे गिर्जानि सोद्रोमा जासेयावबो पापजों खाख'बजानानै दं जानो हागौ । यीशुनियाव फै । खुरिया बेराम गोनां आरो खाना मानसिखौ सोखानायबादिनो बियो नोंखौ गोखैनो उदां खालामगोन । यीशुआ दिनैबो बेनो बे दड, बियो गोसो बाइग्लिनायखौ सोखानो हायो आरो जोबथेसालियाव दोनजानायखौ उदां खालामनो हायो । बियो जॉनि गासिबो पापफोरखौ निमाहा होयो आरो गासिबो बेरामफोरखौ सोखायो (गीतमाला 103:3) ।

जेब्ला नोडो नॉनि गोबोखौ यीशुनो होयो, नोंखौ उदां खालामग्रखौ गुबुननोबो खिन्था । जोंबो नॉनिफ्राय खोनासंनो लुबैयो ।

J. R. Gschwend.

---

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: [info@angp.co.za](mailto:info@angp.co.za)

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)